

廂藍滿勳臣傳 卷十三

百十三



八旗通志初集卷之二百十三  
勲臣傳十三

鑲藍旗滿洲世職官上

布雅里墨爾根子福成額爾特

宜喇哈子拜色阿牙塔

托敏英格諾博奇巴圖魯

邁什克兄子莽吉祿  
孫馬爾岱石圖巴圖魯子金州

阿燕達孫希思哈哈爾哈濟

覺羅葉穆濟 順武爾岱



郎色

朱成額巴圖魯

戴蘇蘭  
得祿

恩特什巴圖魯

南泰 阿爾卓

蘇班

篤爾巴 孫馬占

覺羅穆成格

恩圖

巴霸 子紹鼎  
馱布魯

博爾允

賴袞

達爾巴哈

海度

托羅

吳禮海

穆成額

塞倫

滿丕

羅畢

圖霸

布雅里墨爾根。滿洲鑲藍旗人。世居卦爾察地方。以地為氏。天命九年。率弟兄來歸。

太祖高皇帝招撫沙布圖未降。布雅里率眾往說。沙布

圖五百人即來歸附。

太祖嘉其功。授半個備禦世職。天聰九年四月。以委署

甲喇章京。隨沙爾虎達等征黑龍江。俘獲甚眾。

敘功。加授世職為牛錄章京。崇德三年八月卒。

子福成額。初任護軍校。康熙三年八月。隨靖西

將軍穆里瑪等征湖廣流寇餘黨。至茅麓山後

長樂嶺。有賊兵三千來犯。福成額率兵擊敗其衆。賊首李來亨之子。二次拒戰。俱擊敗之。十四年三月。隨撫遠大將軍信郡王鄂札。征叛逆察哈爾布爾尼。在大魯地方。大敗賊衆。布爾尼聚殘兵復戰。又連敗之。四月。事平凱旋。優授拜他喇布勒哈番。任驍騎參領。調護軍參領。十五年。從征逆藩吳三桂。敗偽總兵唐培。生於湖廣。寧莊地方。進攻永興。偽將軍馬寶率兵三萬來援。力戰却之。二十九年。厄魯特噶爾丹作亂。福成額以護軍統領保薦。隨理藩院尚書阿爾尼。往征之。六月二十一日。至烏爾會地方。遇賊。阿爾尼不候大兵至。即與賊戰。衆寡不敵。福成額力戰陣亡。九月。喪至京師。

聖祖仁皇帝。特遣內大臣侍衛等往奠。又賞銀一千一百兩。三十年。敘功。加贈一拖沙喇哈番。額爾特。滿洲鑲藍旗人。姓伊拉禮氏。世居松阿里烏喇地方。

國初。同伊父阿里肯。率族屬來歸。初任壯大。天聰

五年。從征大凌河。敗敵有功。凡攻城輒先登。

太宗文皇帝嘉其勇。授半個備禦世職。順治七年九年。

三遇

恩詔。加至三等阿達哈哈番。十四年卒。長子達爾泰襲

職。康熙十四年。從征叛鎮王輔臣有功。仕至副

都統。次子阿山有文學。任翰林院掌院學士。教

習。丁丑科庶吉士。康熙三十九年。任江南江西

總督。內陞刑部尚書。阿山子法敏。積善。法敏累

任倉場侍郎。湖廣四川陝西山東四省巡撫。積

善。康熙四十八年進士。累任江西按察使。

宜喇哈。滿洲鑲藍旗人。早事戎行。天聰六年六

月。隨大兵征大同。攻長安嶺。以第二人登城。八

年敘功。授半個前程世職。順治七年九年。三遇

恩詔。加至三等阿達哈哈番。子拜色承襲。順治十一年

九月。拜色隨寧海大將軍宜爾德。征浙江舟山。

破偽英毅伯阮思。偽總制陳六御等。在事有功。

十四年。議敘。加世職。為二等阿達哈哈番。

阿牙塔。滿洲鑲藍旗人。天聰六年六月。隨大兵

征大同。攻長安嶺。以第三人登城。八年敘功。授半個前程。世職。順治元年四月。隨睿王多爾袞入山海關。從葉克舒擊流賊有功。二年十一月。從平南大將軍貝勒克德渾。征湖廣流賊一隻虎。五敗其衆。俱在行間。四年。授世職。為牛录章京。

托敏。滿洲鑲藍旗人。姓穆爾禪氏。世居阿庫里地方。

國初率百人來歸。授半個前程。世職。尋從征阿庫

里尼滿有功。遂授備禦。世職。天聰九年四月。隨吳巴海等征瓦爾喀。俘獲甚多。敘功。加半個前程。是年。又同霸奇蘭等征黑龍江有功。加世職。為三等甲喇章京。同旗有英格諾者。原係備禦。世職。緣事革。亦因征黑龍江有功。故仍授牛录章京。世職。又加一半個前程。

博奇巴圖魯。滿洲鑲藍旗人。姓書舒覺羅氏。世居長白山伊爾海地方。崇德三年八月。隨奉命大將軍睿王多爾袞等征明。至山東攻濟南府。

繼蘓巴泰以第五人登城克之。

賜巴圖魯號。四年。優授牛录章京世職。六年六月。復隨睿王多爾袞圍明錦州。明松山兵來援。奮擊敗之。松山兵乘夜出奔。又追敗之。七年敘功。加半個前程。順治元年十二月。隨定國大將軍豫親王多鐸南征。在潼關三敗流賊。二年。攻泗州城。有功。尋攻揚州。隨公圖賴克其城。斬明閣部史可法。五月。追偽福王至蕪湖。敗偽侯黃得功等於平湖縣。獲船五隻。並在事有功。三年五月。隨定國大將軍豫親王多鐸。追騰機思。擊土謝圖汗兵。大破之。四年敘功。加世職為三等甲喇章京。七年遇

恩詔。加為二等阿達哈哈番。

邁什克。滿洲鑲藍旗人。崇德三年八月。隨揚威大將軍貝勒岳託。征明。攻牆子嶺城。奮勇先登。四年論功。授半個前程。世職。順治七年卒。以兄之子莽吉祿承襲。七年九年。三遇

恩詔。加至三等阿達哈哈番。十年。莽吉祿隨定遠大將

軍敬謹親王尼堪。征湖南。在衡州府戰歿。議卹。加贈世職為二等阿達哈哈番。以其子馬爾岱襲。康熙二十九年。馬爾岱隨撫遠大將軍裕親王福全。征厄魯特噶爾丹。在烏闌布通地方奮勇剿殺。大敗賊兵。三十六年敘功。加世職為一等阿達哈哈番。

石圖巴圖魯。滿洲鑲藍旗人。姓舒穆祿氏。世居科爾沁地方。崇德三年八月。隨揚威大將軍貝勒岳託。征明。攻豐縣。首先登城克之。

賜巴圖魯號。授牛錄章京。世職。順治元年四月。隨睿王多爾袞。入山海關。擊流賊。同圖燕圖破賊有功。二年議敘。加半個前程。七年遇

恩詔。加為三等阿達哈哈番。十二年卒。子金州承襲。十七年七月。金州隨安南將軍達素。擊海賊鄭成功於福建。力戰陣亡。加贈世職為二等阿達哈哈番。

阿燕達。滿洲鑲藍旗人。姓何舍里氏。世居多爾濟必拉地方。崇德三年九月。隨睿王多爾袞。征



明至大同。攻長安城。以第三人登城有功。順治元年四月。復隨睿王多爾袞。至山海關外。破流賊。二年十一月。隨征南大將軍貝勒克德渾。征湖廣流寇一隻虎。破之。尋敘功。授半個前程。世職。七年九年。三遇。

恩詔。加至三等阿達哈哈番。

哈爾哈濟。滿洲鑲藍旗人。姓瓜爾佳氏。世居烏喇地方。初任王府二等轄。崇德五年。遷擺牙喇甲喇章京。十月。隨睿王多爾袞。證明圍錦州。敵

兵夜犯羅託貝子營。哈爾哈濟偕衆往援。大敗其軍。敘功。授半個前程。世職。順治七年九年。三遇。

恩詔。加至三等阿達哈哈番。孫希思哈。初任擺牙喇甲

喇章京。康熙十九年。從征南大將軍賴塔。征逆孽吳世璠。由廣西進征雲南。二十年正月。至石門坎。破偽將軍何繼祖。王弘勳等賊兵。三月。復破賊於黃草壩地方。在事有功。二十五年。議敘。授拖沙喇哈番。世職。累任至都統。

覺羅葉穆濟。鑲藍旗人。

景祖皇帝之三世孫也。初以軍功得世職。尋緣事革去。崇德三年八月。隨安平貝勒杜度征明。至山東。攻靈壽縣。首先登城。克之。四年敘功。復授半個前程世職。

順武爾岱。滿洲鑲藍旗人。姓佟佳氏。世居瓦爾喀地方。初任擺牙喇甲喇章京。崇德六年八月。從征明圍錦州。敵兵據山迎戰。隨王貝勒等擊敗之。明軍門洪承疇騎兵犯我右翼。力戰却之。

順治元年四月。隨睿王多爾袞入山海關。破流賊。以步戰衝鋒。直入賊陣。敗之。旋隨英親王阿濟格。追流賊至慶都縣。大殪其衆。二年正月。敘功。授牛录章京世職。

郎色。滿洲鑲藍旗人。姓馬佳氏。世居喇發虎拉哈達地方。初以軍功授牛录章京世職。崇德八年。隨梅勒章京鄂羅塞臣等征黑龍江。率甲士五十人。克烏喇邊界村落。斬卦爾察四十人。又從征商堅哈達地方。以奮勇衝陣。口目被傷。順

治二年正月敘功。加世職為二等甲喇章京。

朱成額。巴圖魯。滿洲鑲藍旗人。姓趙佳氏。世居

呼普義地方。崇德八年五月。隨奉命大將軍貝

勒阿巴泰。證明攻祁州。奮勇先登。拔其城。

賜巴圖魯號。授牛錄章京。世職。順治元年四月。隨睿王。

多爾袞。入山海關。擊流賊有功。二年議敘。加半

個前程。七年九年。三遇

恩詔。加至一等阿達哈哈番。累官至兵部郎中。同旗有

戴蘓蘭者。姓穆爾禪氏。世居綏分地方。亦以崇

德八年五月。隨貝勒阿巴泰。證明至山東。攻曹

州。首先登城。拔之。亦

賜巴圖魯號。授牛錄章京。世職。順治元年四月。隨睿王

多爾袞。至山海關外。破流賊有功。二年議敘。加

半個前程。七年九年。三遇

恩詔。加至一等阿達哈哈番。又有名得祿者。姓何舍里

氏。世居河源地方。亦以崇德八年五月。隨貝勒

阿巴泰。證明至山東。攻平陰縣。奮勇先登。遂下

其城。

賜巴圖魯號。授牛錄章京世職。

恩特什。滿洲鑲藍旗人。崇德八年五月。隨貝勒阿巴泰。證明攻深澤縣。奮勇先登。下其城。

賜巴圖魯號。授牛錄章京世職。順治元年四月。隨睿王多爾袞。至山海關。擊流賊。同甲喇章京孫塔。破賊有功。六月。隨固山額真葉臣。征山西。攻太原府。大敗賊衆。二年。敘功。加半個前程。七年。九年。三遇。

恩詔。加至一等阿達哈哈番。

南泰。滿洲鑲藍旗人。姓佟佳氏。崇德八年五月。隨貝勒阿巴泰。證明攻定州。首先登城。因無繼登之人。被敵所傷。力戰不退。竟克其城。南泰死。而復甦。尋敘功。授半個前程世職。順治七年。九年。三遇。

恩詔。加至三等阿達哈哈番。同旗有名阿爾卓者。初任壯大。亦以崇德八年五月。隨貝勒阿巴泰。證明。至山東。攻定陶縣。以第一人登城。克之。敘功。授半個前程世職。順治七年。遇。

恩詔。加為拜他喇布勒哈番。又有名蘓班者。姓滿查氏。世居哈達城西和爾敦昂阿地方。亦以崇德八年五月。隨貝勒阿巴泰征明。至山東。攻平陰縣。以第二人登城。取之。敘功。授半個前程。世職。順治七年。九年。三遇。

恩詔。加至三等阿達哈哈番。

篤爾巴。滿洲鑲藍旗人。姓完顏氏。世居厄爾渙地方。初任牛录章京。順治元年四月。隨睿王多爾袞。入山海關。擊流賊。同甲喇章京海色。以步

戰有功。五月。隨英親王阿濟格。追流賊至慶都縣。斬殺甚衆。二年。敘功。授牛录章京。世職。七年。九年。三遇。

恩詔。加至二等阿達哈哈番。孫馬占。初任佐領。康熙十

九年。從征逆孽。吳世璠。至廣西。隨都統勒貝等。

破偽將軍范齊韓。詹仰。於賓州之陶屯。二十年。

三月。隨征南大將軍賴塔。進師雲南。在黃草壩。

地方。破偽將軍何繼祖等。直至雲南歸化寺。會。

同三路大兵。平定逆孽。在事有功。二十五年。議。

敘。授拖沙喇哈番世職。  
覺羅穆成格。鑲藍旗人。

景祖皇帝之三世孫也。初任擺牙喇甲喇章京。順治元年十月。隨豫親王多鐸南征。至潼關。三敗流寇。二年五月。隨貝勒博洛趨杭州。同巴代等。連敗偽陳總兵等於海寧縣。進攻湖州府。有敵兵出犯。即同圖賽。阿什坦。連敗之。遂克湖州。尋敘功。授拖沙喇哈番世職。

恩圖。滿洲鑲藍旗人。姓西林覺羅氏。世居汪秦

地方。初任牛录章京。順治元年四月。睿王多爾袞擊流賊於山海關。恩圖隨葉克舒奮擊有功。二年。議敘。授半個前程世職。十月。隨豫親王多鐸南征。設伏潼關。三敗流寇。二年。隨貝勒勒克德渾。征湖廣。至荊州府。破流寇一隻虎。六年。從征叛鎮姜瓖。圍大同左衛城。賊以馬兵出犯。恩圖同席特庫擊敗之。七年。遇

恩詔。加世職。為拜他喇布勒哈番。八年。從征廣西。敗賊於柳州。又隨梅勒章京覺善。剿山東土寇。敗之。

於恩縣。復於故城敗賊一次。並擊敗平穀。齊河二縣賊。尋敘功。加一拖沙喇哈番。九年遇二次恩詔。加至二等阿達哈哈番。十五年監脩

上帝壇

奉先殿工成。議敘。加授為一等阿達哈哈番。

巴霸。滿洲鑲藍旗人。世居佟佳地方。以地為氏。初任兵部啓心郎。順治元年四月。隨睿王多爾袞入山海關。擊流賊有功。二年。優授牛錄章京世職。卒。子紹鼎承襲。七年九年。三遇

恩詔。加至三等阿達哈哈番。又兼一拖沙喇哈番。紹鼎

尋以從征雲貴功。加授為二等阿達哈哈番。同旗有博爾兌者。任牛錄章京。亦以順治元年四月。隨睿王多爾袞至山海關。破流賊有功。二年議敘。授半個前程世職。七年九年。三遇

恩詔。加至三等阿達哈哈番。又有鄔布魯者。姓納蘭氏。

世居哈達地方。亦任牛錄章京。以順治元年四月。隨睿王多爾袞。破流賊於山海關有功。二年議敘。授半個前程世職。七年九年。三遇

恩詔。加至三等阿達哈哈番。

賴袞。滿洲鑲藍旗人。姓何舍里氏。世居黑龍江色欽地方。後遷居哈達。父曰代袞。天聰三年。管半個牛录事。賴袞初事

太宗文皇帝。任一等轄。順治元年。累陞內閣學士兼禮部侍郎。六年。隨鄭親王濟爾哈朗。征湖廣流寇一隻虎。五敗賊兵。尋敘功。授半個前程。世職。七

年遇

恩詔。加為拜他喇布勒哈番。

達爾巴哈。滿洲鑲藍旗人。初任壯大。順治二年。隨平南大將軍貝勒克德渾。征湖廣流寇一隻虎。在事有功。六年。從征南大將軍譚泰。征江西叛鎮金聲桓。至南昌府。屢敗賊衆。七月。隨纛章京敦拜。往擊河間府土賊。破之。九年二月。隨固山額真噶達渾。征鄂爾多斯蒙古多爾濟等。破之於賀蘭山。十一年十二月。隨靖南將軍朱瑪喇。征廣東。敗偽安西王李定國於新會縣。又追至興業橫州等處。俱在行間有功。十三年議



敘。優授拜他喇布勒哈番世職。

海度。滿洲鑲藍旗人。順治十年六月。從征湖南。在沙路口七星關。隨貝勒屯齊。連敗偽秦王孫可望。白文選等。康熙十五年。隨安親王岳樂。征逆藩吳三桂。至江西。二月。敗偽將軍夏國相等。於袁州府萍鄉縣東來龍山。又破偽總兵裘以勝等於平江縣。二十五年。通敘前功。優授三等阿達哈哈番世職。

托羅。滿洲鑲藍旗人。初任壯大。順治十一年。隨靖南將軍朱瑪喇。征廣東。至新會縣。破偽安西王李定國兵於珊山峪口。十六年七月。從征偽桂王。自貴州凱旋。至江南。值海賊鄭成功陷鎮江。進逼江寧。托羅隨梅勒章京噶褚哈。會同本地方官兵。擊破其衆。十七年敘功。授拖沙喇哈番世職。

吳禮海。滿洲鑲藍旗人。姓伊爾根覺羅氏。世居雅爾古地方。初任分得撥什庫。順治十一年十月。隨靖南將軍朱瑪喇。征廣東。敗偽安西王

李定國於新會縣。十五年五月。隨大兵進征偽桂王。我師駐營湖南靖州地方。偽總兵田國欽等欲降。為賊黨所阻。吳禮海隨燾章京鄂納。往迎擊敗賊衆。遂受其降。七月凱旋。至江南。適值海賊鄭成功陷鎮江瓜州。進圍江寧。吳禮海隨梅勒章京噶褚哈。會同本地官兵往擊。大敗之。十七年七月議敘。授拜他喇布勒哈番世職。穆成額。滿洲鑲藍旗人。姓何舍里氏。初任分得撥什庫。順治十五年五月。隨征偽桂王至貴州。

敗偽總兵羅大順有功。十六年六月。凱旋。至江南。適值海寇鄭成功陷鎮江瓜州。進逼江寧。穆成額隨梅勒章京噶褚哈。會同本地官兵破賊。尋敘功。授拖沙喇哈番世職。

塞倫。滿洲鑲藍旗人。姓何舍里氏。世居塔散堡地方。初任分得撥什庫。順治十八年。隨征東將軍季什哈。征山東土賊于七。著績行間。康熙十四年三月。隨撫遠大將軍多羅信郡王鄂札。征叛逆察哈爾布爾尼。在大魯地方。奮擊敗賊。

敗其山谷伏兵。事平議敘。授拖沙喇哈番世職。滿丕。滿洲鑲藍旗人。初任擺牙喇甲喇章京。順治十五年五月。隨寧南靖寇大將軍信郡王多尼。征貴州。敗偽侯李成蛟等於涼水井地方。偽晉王李定國於魯噶地方。率兵相拒。滿丕同纛章京羅豁步戰。連敗之。十八年十月。隨征東將軍季什哈。征山東土賊于七。有賊將李思曲等率賊八千來犯我營。隨署纛章京額黑納。連敗之。并敗賊首高岐山。康熙三年敘功。授拖沙喇

哈番世職。十四年五月。從征逆藩吳三桂。由陝西進四川。在朝天關。隨前鋒統領穆占。破偽總兵石存禮。至蟠龍山。又破偽將軍王屏藩等。復敗偽總兵韓天福於保寧府。並在事有功。十六年議敘。加世職為拜他喇布勒哈番。

羅畢。滿洲鑲藍旗人。順治十八年十月。隨征東將軍季什哈。征山東賊首高岐山。至西嶺。同滿丕敗賊。奪其嶺。康熙十四年三月。隨撫遠大將軍多羅信郡王鄂札。征叛逆察哈爾布爾尼。在

大魯地方。四敗其衆。敘功。授拖沙喇哈番世職。十九年。從征南大將軍賴塔。進雲南。征逆孽吳世璠。至黃草壩地方。破偽將軍何繼祖等。進至歸化寺。會同三路大兵。平定雲南。二十五年。敘功。加世職。為拜他喇布勒哈番。

圖霸。滿洲鑲藍旗人。姓博爾濟吉特氏。世居克西克騰地方。初任擺牙喇甲喇章京。順治七年。九年。三遇。

恩詔。累授世職。為拜他喇布勒哈番。康熙元年。隨定西

將軍公愛星阿。征緬甸阿媽城。獲偽桂王朱由榔。在事有功。又加一拖沙喇哈番。







